

Program Jom Lepak@Masjid dekatkan UMP, komuniti

ISNIN 3 APRIL 2017 • SINAR HARIAN

AKTIVITI

46

PUSAT Islam dan Pembangunan Insan (Pimpin), Universiti Malaysia Pahang (UMP) menganjurkan Program Jom Lepak@Masjid sebagai salah satu siri jelajah komuniti dan revolusi dalam penjenamaan program khidmat komuniti UMP.

Usaha ke arah melebarkan sayap ukhwah itu diterjemahkan melalui Program Jom Lepak@Masjid dengan kerjasama pihak Masjid Kampung Marhum di sini, 10 Mac lalu.

Pengarah Program, Shahrul Nizam Md Ahir berkata, program itu kesinambungan program sama dijalankan dengan jayanya di Masjid Taqwa, Masjid Tanjung Selangor, Masjid Paya Bungor dan Masjid Lama

Permatang Badak Kuantan tahun lalu.

Menurutnya, menerusi program itu, peserta bersama-sama dan membantu menerapkan elemen dakwah, ibadah dan khidmat sosial kepada masyarakat setempat sekali gus membuktikan mahasiswa universiti dan komuniti tidak dapat dipisahkan.

"Objektif utama program ini untuk menyeru masyarakat setempat terutama generasi muda mengimarahkan masjid selain menjadi medium warga UMP untuk berbakti kepada masyarakat," katanya.

Shahrul Nizam berkata, program selama dua hari itu disertai 60 pelajar UMP dari Kampus Pekan dan Gambang.



Sebahagian penuntut UMP yang menyertai Program Jom Lepak@Masjid di Kampung Marhum, Pekan.